

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

E casnan decora di Aruba

Por tin te hasta 2 pa 3 shen
cas na Aruba, cual tin decora-
cion bunita di entre
otro cortina, strea, flor,
mita di un luna, etc. na e
skina of parti ariba di e
cas.

E casnan aki nos ta haya tur
caminda, den casi tur distric-
to di Aruba. Semper, hende
a pensa cu e diseñonan aki a
bini for di un cultura Indige-
na; posiblemente, e diseño
di e strea tabatin similaridad
den e manera cu e ta mus-
tra, di mesun manera cu e
'God Sun' di esnan Indigena.
Sinembargo, e historia di e
sistema di decoracion aki no
ta bay mucho leu den pasado.

Den su buki "Millefiori di
Aruba," Padre Nooyen ta
declara, cu e prome cas cu
a ricibi e tipo di decoracion
aki ta e cas di Sr. Bernardo
Eman Croes na Pos Chikito.
Julien (JAnchi) Christiaans y
Gregorio (Goy) Semeleer, a
construi e cas aki den 1920,
y a haci e decoracionnan na
e parti ariba di e skina di e
cas. Otro personanan na Pos
Chikito, ken a mira e trabao
bunita aki, tambe tabata kier
pa nan cas ta decora den e
mesun manera.




Leoncio (Joonchi) Henricus
di Pos Chikito, a siña e tra-
bao aki di Janchi Christiaans,
y hunto cu su yiu Bonifacio
(Bonny) Henricus, el a sigui
cu e decoracion di e casnan
na Pos Chikito y Sabana Ba-
sora.

Janchi Christiaans, Goy
Smeleer y otronan di Noord,
manera Hilario Christiaans,
Victor Tromp y Gerardo Ja-
cobs y Cornelis Rosa, a duna
e casnan na Noord y Paradera
e mesun decoracion. Den
1927, Janchi Christiaans
a construi e cas pa Julian
Tromp na Buguruy.

Esaki tabata e prome cas na
Noord cu a ricibi e tipo di
decoracion aki. Despues, es-
nan di Paradera, Santa Cruz y
Savaneta, a copia e decoracion
di e casnan. Nan a practica e
sistemanan aki te cu 1944.

Te ainda nan tin e patronchi
bon warda y proteha, pero no
ta usa nan mas.

Janchi Christiaans a cuminsa
corta e patronchi di plachi di
zink y carton. Janchi Chris-
tiaans tambe tabatin su propio
creacion y sistema, mientras
cu Leoncio y Bonifacio Hen-
ricus, a produci nan propio
fantasia. Y esaki ta loke ta haci



e decoracionnan aki popular,
pa motibo cu hopi persona
por converti nan imaginacion
den arte expresivo.

Sinembargo, e decoracion di
e casnan no ta un idea origi-
nal di Janchi Christiaans.
Jaanchi tabata un discipulo di
su tata Hose Christiaans, y di
e famia Donati, for di ances-
tronan Italiano. Nan tambe
a haci e decoracionnan aki,
sinembargo sin usa algun tipo
di patronchi, pues haciendo e
diseño y usando un plaster
comun como material.

Usando Dr. Johan Hartog
su "Aruba, breve historia"
como un material pa lesa, mi
a ripara cu e tambe ta skirbi
cu e diseñonan aki no ta sim-
bolonan Indigena, pero sola-
mente fantasia di decoracion.
Un punto, cual por causa de-
sacuerdo, ta e hecho cu e ta
skirbi cu den 1820 algun per-
sona for di Curacao a cuminsa
cu e tipo di decoracion aki

na Aruba.

Esaki ta nifica e ora, cu Padre
Nooyen, ken ta declara cu es-
aki a cuminsa den 1920, nan
a cuminsa 100 aña prome.
Como parti di Ito Tromp su
investigacion, el a entrev-
ista tambe Sr. Julio Maduro
di Departamento di Labor
e tempo aki, ken a cont'e cu
alrededor di den aña 1880
Johannes (Janchi) Wolff, a
cuminsa cu e decoracion di e
casnan. Y manera Janchi mes
a bisa, el a siña esaki for di
su welo, ken den temponan
anterior a construi e prome
lighthouse na California
Point.

Despues di compara su infor-
macion, Ito Tromp a skirbi,
cu Hartog tin rason, pa loke
ta trata e periodo di comienso
di e casnan decora na Aruba
den 1820. Sinembargo no cu
esnan di Curacao a cuminsa
esaki. Victor Tromp, e tempo
di a skirbi esaki cu 87 aña, ta-

bata un miembro di famia di
Janchi Wolff.

Julio Maduro a bisa cu den
1920 nan a cuminsa atrobe
cu e tipo di decoracion aki.
En general, no tin un aña
specifico (te cu awo) den cual
e Arubano a cuminsa cu e ex-
presion artistico decorativo
aki. E ta interesante pa sa,
cu e decoracionnan aki ta un
tipo di simbolo pa varios gen-
eracion.

Como un ehempel: Decora-
cionnan cu ta aparece riba e
cas di un famia Arends, por
tambe ser mira riba e cas di
un famia Bermudez of Croes.
Esaki ta pa motibo cu semper
e mayornan tabata duna un
señal specifico na nan yiu
homer of yiu muhe, ora cu
nan tabata bay casa.

Tambe tabata bisa cu e dis-
eñonan aki tabatin un cierto
tipo di voodoo, pa mantene
e fantasmanan di e Indigena-
nan leu, kendenan tabata dera
den e bisindario unda e cas-
nan awo ta para. Sinembargo
esaki a disparce casi comple-
tamente.

Tocante e continuacion di
e diseñonan aki for di famia
pa famia, esaki ta un heren-
cia cultural cu no ta estableci
mas. Pa e motibo aki, anteri-
ormente, cada hoben homber
cu tabata casa, mester a tin su
propio cas, di otro manera,
no tin matrimonio.

E diseñonan tabata traha di
acuerdo na e fantasia di e per-
sona. E ta mira por ehempel 6
parha riba un mata e ora e ta
pinta 6 parha riba un mata. Si
e tabata kier expresa su amor
na su twinnan, e ora e ta dis-
eña un twin.

Awendia, si bo kier usa e tipo
di diseñonan aki pa bo cas, no
worry, bo por djis copia nan y
pinta nan.

Fuente: E casnan Decora na
Aruba (1976) di Ito Tromp.

